

Broj: 01-05-2318/09  
Jablanica, 22.12.2009. godine

Na osnovu čl. 44., a u vezi sa čl. 41 tač.6. Zakona o lokalnoj samoupravi („Službene novine HNK“ broj: 4/00) i na osnovu člana 41., a u vezi sa čl.18 al.18 Statuta općine Jablanica („Službeni glasnik općine Jablanica br.:2/09), na sjednici Općinskog vijeća Jablanica, održanoj 30.12. 2009 godine, Općinski načelnik podnosi na usvajanje

## PROGRAM rada Općinskog načelnika za 2010 godinu

### I

Program rada Općinskog načelnika i Službi za upravu općine s kojim se utvrđuje općinska politika za 2010 godinu koji se realizuje preko Općinskog vijeća definiše zadatke i aktivnosti koje Općinski načelnik u skladu sa zakonskim ovlaštenjima planira realizovati u 2010 godini.

Ovim programom postavljaju se na prvo mjesto zahtjevi građana, te se zbog istih prije svega želi u maksimalnoj mjeri organizacija uprave postaviti na najveći mogući nivo što ćemo zasigurno pokušati kompletiranjem organa uprave, popunom državnih službenika i namještenika, a u skladu sa novim donesenim Pravilnikom o unutrašnjoj organizaciji i sistematizaciji radnih mjesta u organima uprave općine Jablanica, te nakon što uradimo analizu funkcionisanja službi općine Jablanica po izvještajima za 2009 godinu moguće je da će se pristupiti i donošenju nove Odluke o organizaciji uprave.

U idućoj godini želimo takođe da ispoštujemo sve preporuke za unapređenje sistema upravljanja kvalitetom prema certifikatu ISO 9001-2000, te da uspješno okončamo kontrolni recertifikacijski audit koji je planiran po standardima da se izvrši u idućoj godini, a takođe da ostvarimo i postavljeni cilj usklađivanja sa novim certifikatom ISO 9001-2008.

U cilju unapređenja pružanja usluga građanima, a u sklopu nastavka projekta GAP-II kojim je Općini Jablanica odobrena kompletna oprema za uspostavu Centra za izdavanje dozvola u idućoj godini planiramo izgraditi u prizemlju zgrade općine uz postojeću šalter salu u drugom dijelu zgrade nakon preuređenja prostora (poseban odjel) Centar za izdavanje dozvola u kojem bi se rješavali zahtjevi građana iz oblasti urbanizma i građenja.

Neophodno je posebnu aktivnost tokom cijele godine posvetiti prije svega poslovima iz komunalne djelatnosti kao osnovne obaveze lokalne zajednice preko nadležnih javnih preduzeća i drugih organa zaduženih za ovu oblast, te će se u tom pravcu uz značajnu pomoć i izdvajanje budžetskih sredstava za održavanje javnih površina, čistoće grada, održavanje puteva, javne rasvjete, briga o uređenju harema i groblja za koje oblasti ćemo uz donešene Programe od strane Službi za upravu biti u obavezi i vršiti izmjene Odluka kao što je Odluka o komunalnom redu, o naknadi, te usvojiti Odluku o održavanju i upravljanju haremima i grobljima na području općine Jablanica.

Poseban značaj u 2010 godini želimo usmjeriti u pravcu redovnog praćenja izvršenja budžeta općine Jablanica kako u ostvarenju prihoda tako i zakonskog trošenja sredstava s ciljem poštivanja preporuka Ureda za reviziju institucija FBiH koje su date nakon kontrole budžeta za 2008 godinu.

Glavna aktivnost bit će usmjerena u pravcu donošenja neophodne prostorno-planske dokumentacije nižeg reda radi ubrzanog razvoja Općine s tim da će biti neophodno da se pristupi izradi novog Prostornog plana općine Jablanica što se traži od viših nivoa vlasti i čemu ćemo posvetiti posebnu pažnju.

Nakon kompletiranja Službi posebno Službe za upravu za prostorno uređenje, građenje, zaštitu okoline, stambeno-komunalne, geodetske, imovinsko pravne poslove i katastar nekretnina uz uslov donošenja neophodne prostorno-planske dokumentacije želimo preko komisije za legalizaciju usmjeriti maksimalnu aktivnost u pravcu rješavanja zahtjeva za legalizaciju objekata kako bi smo planirane prihode po ovom osnovu u budžetu 2010 godine ostvarili.

Realizacija projekata definisanih Strategijom razvoja općine Jablanica za period 2007-2011 je osnovni zadatak Općinskog načelnika i Službi za upravu općine Jablanica, te u skladu sa usvojenim Planom realizacije Strategije razvoja općine Jablanica za 2010 godinu maksimalnu pažnju želimo posvetiti realizaciji istih uz redovno praćenje ostvarenja istog preko Komisije za Strategiju razvoja općine Jablanica i drugih komisija i radnih tijela organa uprave.

U skladu sa usvojenim budžetom općine Jablanica za 2010 godinu, te uz pomoć viših nivoa vlasti i u saradnji sa JP „Elektroprivreda BiH“ Sarajevo želimo pravovremeno pripremiti svu neophodnu dokumentaciju i saglasnosti kako bi u maksimalnoj mjeri završili kapitalne projekte (gradski vodovod „Šanica“, asfaltiranje puta Žarnik-Dragan Selo, izgradnja pristupnog puta Podstjenje – Donje Polje za Lug, pomoć za završetak izgradnje Islamskog centra, uređenje harema „Jasen“ i drugo).

Uz navedeno, a u skladu sa Planom izgradnje Sportske dvorane u Jablanici želimo tokom iduće godine nastaviti na II fazi izgradnje kako bi uradili krovnu konstrukciju čime bi stvorili pretpostavke za veća ulaganja unutar Sportske dvorane u 2011 godini i u najvećoj mogućoj mjeri pokušali okončati ovaj izuzetno značajan kapitalni projekat za građane općine Jablanica.

Nakon što smo krajem 2009 godine i zvanično pustili u upotrebu i na korištenje novosagrađeni stambeno-poslovni objekat zgrada SP-35 u ul.Trg Oslobođenja u Jablanici stvorene su pretpostavke da lokalitete na kojima se nalaze stare barake očistimo od istih, te će navedeni lokaliteti kao građevinska zemljišta biti u mogućnosti da se u skladu sa urbanističkim planom uredi na zadovoljstvo građana općine Jablanica.

Posebnu pažnju u idućoj godini posvetit ćemo izdvajanju sredstava na ime pomoći u zapošljavanju što je najveći problem u općini Jablanica, te smo uz stvaranje pretpostavki za zapošljavanje planirali nastaviti sa uređenjem poslovnih zona i davanjem povoljnih kredita za zapošljavanje, kao i značajnim subvencijama za obavljanje volonterskog rada visoko-školskih kadrova kao i subvencioniranje u zapošljavanju invalidnih osoba kao i zapošljavanje i podrška u razvoju poljoprivrede i stočarstva.

Tokom 2010 godine očekujemo okončanje kapitalnih projekata po posebnom Sporazumu sa JP „EP BiH“ Sarajevo (kanalizaciona mreža Ostrožac i Donje Paprasko, sanacija klizišta na putu Ostrožac-Šabančići i asfaltiranje puta do naselja Žuglići uz Jablaničko jezero), kao i nastavak realizacija obaveza JP „EP BiH“ Sarajevo po urbanističkim uslovima za izgradnju HE „Grabovica“ koje budu uvrštene u Plan JP „EP BiH“ Sarajevo u 2010 godini.

Smatramo značajnim da nakon kandidovanja projekata kod viših nivoa vlasti i učešćem u javnim oglasima za odobravanje sredstva viših nivoa vlasti u idućoj godini obezbjedimo sredstva od istih, a posebno želimo da obezbjedimo sredstva od HNK Ministarstva vodoprivrede za završetak vodovoda „Šanica“, sredstva od Ministarstva prometa HNK i Vlade FBiH za završetak i asfaltiranje regionalnog puta R-419 Jablanica – Posušje, uređenje puteva u povratničkim naseljima Doljani i Sovići uz pomoć Vlade HNK, te Federalnog ministarstva za raseljena i izbjegla lica, kao i drugih projekata kao što su projekti izgradnje sportske dvorane uređenja poslovnih zona, uređenja kanalizacione i vodovodne mreže i drugih.

Nakon otpočete rekonstrukcije magistralnog puta M-17 od Podbrežja do Partizanskog groblja u skladu sa do sada potpisanim ugovorima kordinirat ćemo aktivnost na rekonstrukciji puta M-17 do semafora na raskrsnici puteva M-17 i M-16, te očekujemo da Direkcija cesta FBiH u svoje Planove rekonstrukcije puteva za 2010 godinu uvrsti rekonstrukciju magistralnog puta M-16 od mosta na Doljanici do semafora na raskrsnici puteva M-17 i M-16, a pristupit ćemo svakako uređenju trotoara i ulica u užem gradskom području u značajnijoj mjeri nego do sada posebno u glavnoj ulici.

U prvoj polovini 2010 godine, a nakon izgradnje stambenog objekta sa 8 stanova na Mirkama uz donošenje Odluke na Općinskom vijeću o ukidanju preostalog Kampa za izbjeglice Gornja Kolonija planiramo konačno prostor istog osloboditi od montažnih kuća i omogućiti građanima lokacije za stambenu i drugu gradnju u skladu sa Urbanističkom projektom „Gornja Kolonija“

U skladu sa planiranim sredstvima budžeta općine Jablanica rješavat ćemo kanalizacione i vodovodne zahvate u naseljenim mjestima, učestvovati u izgradnji društvenih prostorija u MZ, dječijih poligona za sport, pomoći u sanaciji školskih i drugih prostora te izgradnju nove četverorazredne škole u Ravnoj, pomoći u sanaciji krova JU Muzej „Bitka za ranjenike na Neretvi“, ulagati u proširenje javne rasvjete i slično.

Posebno želimo posvetiti pažnju nastavku dobre saradnje sa Udruženjem privrednika, te nevladinim sektorom sa područja općine Jablanica uz nastojanje da pored podrške Sportskom savezu, podrške mladima za stipendiranje posebnu pažnju moramo posvetiti projektima mladih te želimo sa istima učestvovati u donošenju njihovih akcionih planova kao i praćenju realizacije projekata koji se odobravaju nevladinom sektoru.

Brigu o boračkim populacijama kroz nastavak izdvajanja sredstva za pomoć u stambenom zbrinjavanju nastavljamo u istom intenzitetu u idućoj godini, te planiramo rasporediti iznos od 100.000,00 KM uz obavezu donošenja novog Pravilnika za raspodjelu sredstava namjenjenih ovim populacijama.

U skladu sa planom rada Službi za upravu općine Jablanica, te planiranim Programom rada Općinskog vijeća maksimalne aktivnosti voditi u pravcu aktivnog učešća općinske administracije kroz rad u službi, te rad sa komisijama Općinskog vijeća kako bi pravovremeno ispoštovali sve traženo ovim programima, a posebno Odluke o usvajanju prostorno-planske dokumentacije, te Odluka o raspodjeli sredstava boračkim populacijama, o raspodjeli kreditnih sredstva za razvoj biznisa i slično, o raspodjeli stipendija učenicima i studentima za školsku 2010/2011 godinu, o raspodjeli sredstva nevladinom sektoru po kandidovanim projektima i drugih.

Neophodno je realizovati projekat obnove repetitora „Pisvir“ koji je bio u planu Federalnog ministarstva prometa za 2009 godinu ali se nije realizovalo, te voditi stalnu aktivnost po pitanju pokrivenosti signalom RTV Jablanica na čitavom području općine Jablanica.

Smatramo bitnim da se u idućoj godini nastavi sa aktivnostima realizacije projekata stanogradnje stvaranjem novih stambenih zona u užem gradskom području uz aktivniji pristup na dodijeli zemljišta za izgradnju kolektivnih garaža (Rasadnik, Trg Oslobođenja i sl.) i otpočinjanjem gradnje istih, a po pitanju održavanja zajedničkih dijelova i uređaja u zgradama nakon značajnih aktivnosti koje su vođene u 2009 godini neophodno nastaviti sa stalnim nadzorom nad provođenjem odredbi zakona iz ove oblasti nakon čega će se zasigurno vidjeti rezultati obzirom da ova oblast nije bila uopšte do sada uređena.

## II

Uz navedeno želim istaći da se u 2010 godini u maksimalnoj mjeri trebaju okončati projekti koji se realizuju u posljednjih nekoliko godina, te otpočeti novi projekti u što većoj mogućoj mjeri tokom 2010 godine ali se zbog prisutne ekonomske krize u svijetu realno mora uzeti u obzir i taj faktor i maksimalno se založiti da isti na području općine ne bude značajno prisutan, mada će nam zasigurno ta naizvjesnost otežati realizaciju kapitalnih projekata od strateškog interesa za općinu zbog neizvjesnosti u pomoći viših nivoa vlasti koju očekujemo tokom iduće godine..

Značajnim želim istaći da će provedba ovog programa zavistiti u mnogome od uspješno obavljenih poslova komisije za legalizaciju Općinskog vijeća Jablanica i riješenosti podnesenih zahtjeva za legalizaciju, koji su uslovljeni i potpunosti Služba za upravu za prostorno uređenje, građenje, zaštitu okoline, stambeno-komunalne, geodetske, imovinsko pravne poslove i katastar nekretnina kao i usvajanjem prostorno – planske dokumentacije posebno za lokalitet Risovac obzirom da na rješavanje čeka veliki broj zahtjeva, a plan ostvarenja kapitalnih prihoda po osnovu legalizacije je dosta zahtjevan, te će se mnogo napora u ovom pravcu morati uložiti kako bi se u što većem obimu program ostvario.

Od posebnog značaja smatramo da u Program rada za 2010 godinu svoje mjesto treba da ima aktivnost općinske administracije na rješavanju svih zahtjeva građana, a od opšteg interesa smatramo i nastavak saradnje sa bratskom općinom Komuna vejle – Danska, općina Juvačik (nova oćina Bašiskele) grad Izmit – Turska, te obnavljanje saradnje od prije rata sa pobratimskom općinom Paraćin iz Srbije i Đevđelija iz Makedonije koji trebaju biti naša stalna aktivnost kako bi u najvećoj mogućoj mjeri uspostavili saradnju na svakom planu.

Takođe smatram da će u 2010 godini trebati još veću pažnju posvetiti učešću u radu Saveza općina i gradova FBiH preko kojeg se lokalna zajednica jedino može zaštititi u procedurama donošenja zakona viših nivoa vlasti, a koji se tiču lokalnih zajednica, kao i učešće u Regionalnoj razvojnoj agenciji (REDAH) u Mostaru zbog velikih planova iste preko koje bi općina Jablanica mogla realizovati mnoge projekte.

Program rada Općinskog načelnika ostaje otvoren za sve prijedloge i inicijative, te su moguće izmjene i dopune u toku implementacije i po ukazanoj potrebi.

## III

Usvajanjem ovog Programa nosioci poslova iz ovog Programa Općinski načelnik, pomoćnici načelnika, šefovi odjeljenja u službama Općine Jablanica, državni službenici i namještenici snose punu odgovornost za realizaciju istog, te su odgovorni za blagovremene pripreme svih materijala za izvršavanje ovog programa, te Programa rada Općinskog vijeća.

## IV

Program rada Općinskog načelnika za 2010 godinu objavit će se u „Službenom glasniku općine Jablanica“.

## V

Sastavni dio Programa rada Općinskog načelnika su Programi rada službi i to:

1. Služba za opću upravu, društvene djelatnosti, boračko-invalidsku zaštitu i socijalna pitanja:
2. Služba za upravu za prostorno uređenje, građenje, zaštitu okoline, stambeno-komunalne, geodetske, imovinsko-pravne poslove i katastar nekretnina
3. Služba Civilne zaštite
4. Stručna služba za poslove Općinskog vijeća i Općinskog načelnika, zajedničke poslove, finansije, lokalni ekonomski razvoj i investicije.

